

যুগান্তর

প্রিন্ট: ১৩ জুলাই ২০২৫, ১১:১৩ এএম

জাতীয়

এক নজরে এসএসসি পরীক্ষার ফল



যুগান্তর প্রতিবেদন

প্রকাশ: ১০ জুলাই ২০২৫, ০৪:১৬ পিএম



ছবি: সংগৃহীত

চলতি বছরের এসএসসি ও সমমান পরীক্ষায় ১৯ লাখ ২৮ হাজার ১৮১ জন পরীক্ষার্থী অংশ নিয়েছিলেন। এর মধ্যে ১৩ লাখ ৩ হাজার ৪২৬ শিক্ষার্থী পাশ করেছেন। এ বছরের এসএসসি ও সমমানের পরীক্ষায় পাশের হার ৬৮.৪৫ শতাংশ। যা গত বছর ছিল ৮৩.০৪ শতাংশ।

এবার মোট জিপিএ-৫ পেয়েছেন ১ লাখ ৩৯ হাজার ৩২ জন শিক্ষার্থী। গতবার জিপিএ-৫ পেয়েছিলেন ১ লাখ ৮২ হাজার ১২৯ জন। অর্থাৎ এবার পাশের হার ও জিপিএ-৫ উভয়ই কমেছে। এর মধ্যে জিপিএ-৫ কমেছে ৪৩ হাজার ৯৭টি।

চলতি বছরের ১০ এপ্রিল থেকে শুরু হয় এসএসসি ও সমমানের পরীক্ষা। এতে ৩০ হাজার ৮৮টি শিক্ষাপ্রতিষ্ঠানের ১৯ লাখ ২৮ হাজার ১৮১ জন শিক্ষার্থী ৩ হাজার ৭১৪টি কেন্দ্রে অংশ নেয়।

বৃহস্পতিবার (১০ জুলাই) দুই মাসেরও কম সময়ের ব্যবধানে এসএসসি ও সমমান পরীক্ষার ফল প্রকাশ করা হয়েছে। এদিন দুপুর ২টায় এসএসসি ও সমমান পরীক্ষার ফল প্রতিটি শিক্ষা বোর্ড থেকে প্রকাশ করা হয়।

দেশের ৯টি সাধারণ শিক্ষা বোর্ডের অধীন এসএসসি পরীক্ষায় পাশের হারের দিক দিয়ে সবচেয়ে এগিয়ে আছে রাজশাহী বোর্ড। এ বোর্ডে পাশের হার ৭৭.৬৩ শতাংশ। আর সবচেয়ে পিছিয়ে আছে বরিশাল শিক্ষা বোর্ড। এ বোর্ডে পাশের হার ৫৬.৩৮ শতাংশ।

৯টি সাধারণ শিক্ষা বোর্ডের অধীন এসএসসি পরীক্ষায় গড় পাশের হার ৬৮.০৪ শতাংশ।

এদিকে চলতি বছরের দাখিল পরীক্ষায় ১ লাখ ৯৫ হাজার ১১৫ জন শিক্ষার্থী পাশ করেছে। মোট পরীক্ষার্থী ছিল ২ লাখ ৯৪ হাজার ৭২৬ জন। দাখিলে ৬৮.০৯ শতাংশ শিক্ষার্থী পাশ করেছে। গতবার এই হার ছিল ৭৯.৬৬ শতাংশ। এবার দাখিলে মোট জিপিএ-৫ পেয়েছে ৯ হাজার ৬৬ জন। গতবার জিপিএ-৫ পেয়েছিল ১৪ হাজার ২০৬ পরীক্ষার্থী। এবার দাখিলে পাশের হার ও জিপিএ-৫ কমেছে।

অন্যদিকে এসএসসি ও দাখিল ভোকেশনাল শাখায় পাশের হার ৭৩.৬৩ শতাংশ। মোট পরীক্ষার্থী ছিল ১ লাখ ৪৩ হাজার ৩১৩ জন। গতবার এই পাশের হার ছিল ৮১.৩৮ শতাংশ। এবার মোট জিপিএ-৫ পেয়েছে ৪ হাজার ৯৪৮ জন।

গতবার জিপিএ-৫ পেয়েছিলেন ৪ হাজার ৭৮ জন পরীক্ষার্থী। অর্থাৎ এবার এসএসসি ও দাখিল ভোকেশনাল শাখায় পাশের হার কমেছে, তবে জিপিএ-৫ বেড়েছে।

এদিকে, ঢাকা বোর্ডে পাশের হার ৬৭.৫১ শতাংশ। এবার এ বোর্ডের মোট জিপিএ-৫ পেয়েছে প্রায় ৩৭ হাজার ৬৮ শিক্ষার্থী। গতবার এই বোর্ডে পাশের হার ছিল ৮৩.৯২ শতাংশ। গতবার জিপিএ-৫ পেয়েছিল ৪৯ হাজার ২৯০ পরীক্ষার্থী। অর্থাৎ এবার ঢাকা বোর্ডে পাশের হার ও জিপিএ-৫ এর সংখ্যা কমেছে।

কুমিল্লা বোর্ডে পাশের হার ৬৩.৬০ শতাংশ। গতবার এই হার ছিল ৭৯.২৩ শতাংশ। এই বোর্ডে এবার মোট জিপিএ-৫ পেয়েছে ৯ হাজার ৯০২ জন। গতবার জিপিএ-৫ পেয়েছিল ১২ হাজার ১০০ জন। অর্থাৎ কুমিল্লা বোর্ডেও পাশের হার ও জিপিএ-৫ এর সংখ্যা কমেছে।

চট্টগ্রাম বোর্ডে এবার পাশের হার ৭২.০৭ শতাংশ। গতবার এই হার ছিল ৮২.৮০ শতাংশ। এবার মোট জিপিএ-৫ পেয়েছে ১১ হাজার ৮৪৩ জন। গতবার জিপিএ-৫ পেয়েছিল ১০ হাজার ৮২৪ জন পরীক্ষার্থী। অর্থাৎ চট্টগ্রাম বোর্ডে পাশের হার কমেছে। তবে জিপিএ-৫ এর সংখ্যাও বেড়েছে।

দিনাজপুর বোর্ডে এবার পাশের হার ৬৭.০৩ শতাংশ। গতবার এই হার ছিল ৭৮.৪৩ শতাংশ। এবার মোট জিপিএ-৫ পেয়েছে ১৫ হাজার ৬২ জন। গতবার জিপিএ-৫ পেয়েছিল ১৮ হাজার ১০৫ জন পরীক্ষার্থী। অর্থাৎ দিনাজপুর বোর্ডে পাশ ও জিপিএ-৫ এর সংখ্যা কমেছে।

বরিশাল বোর্ডে পাশের হার ৬৭.০৩ শতাংশ। গতবার এই হার ছিল ৮৯.১৩ শতাংশ। এবার মোট জিপিএ-৫ পেয়েছে ৩ হাজার ১১৪ জন। গতবার জিপিএ-৫ পেয়েছিল ৬ হাজার ১৪৫ জন পরীক্ষার্থী। অর্থাৎ বরিশাল বোর্ডে পাশের হার ও জিপিএ-৫ এর সংখ্যা কমেছে।

ময়মনসিংহ বোর্ডে এবার পাশের হার ৫৮.২২ শতাংশ। গত বছর এই হার ছিল ৮৪.৯৭ শতাংশ। এবার মোট জিপিএ-৫ পেয়েছে ৬ হাজার ৬৭৮ জন। গতবার মোট জিপিএ-৫ পেয়েছিল ১৩ হাজার ১৭৫ জন জন। অর্থাৎ ময়মনসিংহ বোর্ডে পাশের হার ও জিপিএ-৫ কমেছে।

যশোর বোর্ডে এবার পাশের হার ৭৩.৬৯ শতাংশ। গতবার এই হার ছিল ৯২.৩৩ শতাংশ। এবার মোট জিপিএ-৫ পেয়েছে ১৫ হাজার ৪১০ জন। গতবার জিপিএ-৫ পেয়েছিল ২০ হাজার ৭৬২ জন। অর্থাৎ যশোর বোর্ডেও পাশের হার ও জিপিএ-৫ এর সংখ্যা কমেছে।

রাজশাহী বোর্ডে এবার পাশের হার ৭৭.৬৩ শতাংশ। গতবার এই হার ছিল ৮৯.২৫ শতাংশ। এবার মোট জিপিএ-৫ পেয়েছে ২২ হাজার ৩২৭ জন। গতবার জিপিএ-৫ পেয়েছিল ২৮ হাজার ৭৪ জন পরীক্ষার্থী। অর্থাৎ রাজশাহী বোর্ডে পাশের হার ও জিপিএ-৫ এর সংখ্যা কমেছে।

সিলেট বোর্ডে এবার পাশের হার ৬৮.৫৭ শতাংশ। গতবার এই হার ছিল ৭৩.০৪ শতাংশ। এবার মোট জিপিএ-৫ পেয়েছে ৩ হাজার ৬১৪ জন। গতবার জিপিএ-৫ পেয়েছিল ৫ হাজার ৪৭১ জন পরীক্ষার্থী। অর্থাৎ সিলেট বোর্ডে পাসের হার ও জিপিএ-৫ এর সংখ্যা উভয়ই কমেছে।